

Кому Республикаса том войтырлөн газет



**Аддзысьлытөдз,
гожсөм!**

Тайо НОМЕРЫН

«Видза оланныд, «Йöлөгаса» ёртгяс! Важон нин эг ош-йысьöй, кыдзи Керöс сиктса томудов колялам прöст кад...»

4.5
л.б.

Емдін районса томудов кытыртлісны «От гöралон гусятюргяс» экспедиция, кытчö пырöдчис муниципалитетса дас куим грезд. Ныв-зон бергöдісны ыджыд удж, тöдмалісны уна выльтор ас район да сэтчöс йöз йылысь.

8-9
л.б.

Кулöмдін районса Зимстан посёлокын коми кыв-историятö пыдди пуктöны. А öд роч посёлокад талун татшöмторйыд шензёданаторйон чайтсьö. И медыджыд пайыс таын татчöс «Важдыр» история да краеведение музейын уджалысь Нина Михайловна Сурниналөн.

13
л.б.

Пöжар дырйи йöз шöйбөшöны и тшöкыда оз тöдны, мый вöчны - тадз воштöны колана кад, медым мездысьны биысь. Колана индöдгяс - «Йöлөгалөн» лист бокын.

15
л.б.



Сыктывкарсянь - Емваöдз

Август 24-öd лунö Сыктывкарын 11 часын Стефановскöй площадьсянь заводитчас «Здоровье» автопробег, а эштас Емваын. Сійöс сійома Коми Республикаын дзоньвидзалун волы.

- Тагзи ми кöсьям ышöдны мукöдöс пырöдчыны тайö спорт сикасас, нимöдны сійöс медгёна муниципалитетгясын. Ог прöста нуöдöй автопробегсö Коми Республика лункöд матын. Ми - дзоньвидза оласног вöсна, - висьталö Коми Республикаын автоспорт федерацияон веськöдлысь Олег Бекетов.



Восьтісны «Муспоз»

Кöрткерöс районса Ыджыдвидз сиктын восьтісны «Муспоз» челядлы ворсанін. Сэтчöс районса пресс-служба висьталö, мый тайöс вöчöма ичöt проектгяс олөмö пöртан уджтас серти.

«Муспоз» - районнын мöд проект нин. Ставнас август помöдз мөвпалöны восьтны нöшта 5 ичöt проект: на лыдын Вомынын да Важкуаын культурнöй паркяс, Додзын уличаяс дзоньталөм, Сöбинын юкмöсьяс лöсьбөдөм да Калятыын - «Спорт - наша жизнь» олөмö збыльмөдөм.

«Муспоз» кыпыда восьтігөн Кöрткерöс районса администрацияон веськöдлысь Василий Гончаренко нимкодясис, мый районнын воссис вьль объект, көні быдмысь войтыр кутас гажа колявны прöст кад. Нöшта атгёаліс ставнысö, коді отсаліс збыльмөдны проектсö да пуктіс ассьыс пай. Василий Гончаренко сиис сиктыслы водзö сөвмыны. «Муспоз» отсалісны вöчны 120 сайö волонтёр да сиктын олысь.

Сэки жö Василий Гончаренко да сиктөн веськöдлысь Николай Симпелев школаö мунысьяслы козьналісны портфель да ручка-карандаш.

Ыджыдвидзын эм нин лыжнöй база, и сиктсаяс эскöны, мый налөн лöй и спортивнöй площадка.

«Комиинформ» серти



Республиканым - гыж вылын

Сыктывкарысь Анастасия Тихомирова вермас нимкодьодны коми модничаясös да серпасавны гыж выланыс коми сер. Окоитысьыс абу этша - сідзкö, матысса кадö унаöн кутасны ветлыны мича да моднöй гыжйöн.

Коми ногön серпасасыны мöвп авторыслы юрас воöма виччысьтöг. Коркö улич вылысь аддзöма коми серön мичмöдöм көрт йөр. Сэки и мöвпыштöма, öд татшöм серпасö поэö вöчны гыж вылын. Видлöма вöчны эскизъяс, сэся мичмöдöма ассьыс да öткымын тöдсалысь гыжсö - зэв на и кажитчöма коми сера гыжйыд.

Та бöрын Анастасия вермöма вöзйыны вöчны коми гыжсö став окоитысьыслы. Серпасö поэö бöрйыны аслыд. Öнi автор вöзйö мичмöдны гыжтö республикалön символъясöн.

Серпасö вöчны абу кокныыд, автор вöдитчö профессиональнöй кисточкаясöн. Медся вöсньыдас пö сöмын кык сi.

Finnougr.ru сайт серти

«Арт-квадрат» чукöртас томуловöс

Август 27 лунö Сыктывкарын пасъясны Москвалы сиём лунъяс. Сэки мунас «Арт-квадрат» том йöз культуралön фестиваль. А мод луннас лоö гала-концерт, көни петкöдчасны уна сикас нырвизь серти медся енбиа том-улов.

Фестиваль дырйи тшöтш выступитасны нималана котыръяс: «5sta Family» да «Пицца».

Йöктыны радейтысьяс дорö локтас нималана йöктысь да тренер Николай Проваторов. Сйö вит во олöма Лондонын, тренируйтчöма «Уличные танцы 3D» кинолön йöктан котыркöд. Николай йöктö 17 арöссянь, кужö и сальса, и хип-хоп.

Сыктывкарса томулов петкöдласны енбиалунсö да тöдмасысны нималана экспертъяскöд.

«БНКоми» серти



Том гозъя мөдöдчасны Ыбö

«Ыбица» мультифестиваль дырйи финн-йöгра этнопаркын Сыктывкарысь том гозъялön лоö көлысь, öтлаасысны Ярослав Билык да Марина Пантелеева.

- *Ме вöли став гожся «Ыбица» дырйи, йöктi «Фазтон» котыркöд. Таво нимкодь, мый бара на лoa сэнi да татшöм помкаöн, -* висьталö Марина.

«Ыбица» вылö том гозъя да налön гösъгыяс локтасны загс бöрын. Медводз ставön кытшовтасны мультифестивальлысь став инсö, а сэся торъя шатёрын налы лоö дасьтöма фуршет.

- *«Ыбица» дырйи көлысь пасйыны мöвп воис менам юрö, а Ярослав эз öтгортчы. Ярослав радейтö менö, и мен тавысь зэв нимкодь. Шог, мый ог вермöй рытнас гажöдчыны. Эськö позяс бöрын шуны, мый менам көлысь дырйи сьылiс Гарик Сукачёв, -* висьталö ныв.

«Коминформ» серти



ФОТОРЕПОРТАЖ

**Аддзысьлытöдз,
гожöм!**

Видза оланнйг, «Йöлöгаса» ёртъяс! Важöн нин эг ошйысьöй, кызди Корткерöс районьсы Керöс сиктса томуров колялам прöст каг.

Тавося көдзыг гожöм дырйи пöттöдз купайтчыны эз и сугзсьы, лунпыръясöн ныв-зон велосипедöн ризъялöны. Клуб горö ворсны кежавлсны, викторинаясö пырöдчылсны, нöдкывъяс тöдмавлсны, велосипедöн панасисны, походö ветлсны. Сöмын походö челядь этшаджыкөн мунны окотитöны: вöрса лудикысь полöны, да и ошъясыг сиктбергса муястö ёна парсалöмаöсь. А ворснытö ныв-зон радейтöны, көть быг лун ворсöг. Сöмын öти пöлөс ворсöмыг дышöдö налы, колö мыйкö выльтор корсьны.

Вөр-ватö ставөн радейтам, да та понда походён бара на кайлим Эжъес ю кузя гажа Лобановка вöвлöм пöчинокöдз. Сэни öни сулалö кык чом – вөр керка, көн ми узылывлам. Миянкöд вöлины кум зонка: Л.Королёв, Ю.Лобанов да В.Денисов. Ларик весиг тöвнас волöма татчö батъыскöд ком вугравны. Юра да Валера медводгзаысь на тайö туйсö таялöны, но повтöг пыр мунисны водзвылын.

Воим местаöдз, да зонъяс мунисны мöг вөр керкаас, ми пö ставсö асьным вöчам. Зэв асиöраöсь вöлöмаöсь. Муним корны чай юны, а найö чомъяс нин пелькöдчöмаöсь, вольпась пыркöдöмаöсь, пач ломтöмаöсь, пес гасьтöмаöсь, пусьыны удитöмаöсь. Мöг луннас ветлим вöвлöм Максим пöчинокöдз, мельнича ин горын чай юим, чери кыйыштим. Рытнас жаритöм чериöн чöсмасим.

Посни войтыркöд ветлим Эжва ю горö, оз сёйыштим, тиак корсим, но эз сюр. Пыжөн шойччигмоз кывтим, вөр шöрö шойччыны пуксьыштим.

Кайлим Ыгжыг нюрö мырпом корсьны, музтöдз лои. Джын туяс, нель километра мунан да, сулалö вышка. 60-öd воясö геологияс сувтöдлöмаöсь, а мыйла – ог тöдöй.

Со тагзи и коли гожöмыс. И бара шуам: «Аддзысьлытöдз, дженьыдик гожöм!».

Керöсса томуров.





**Босьт
ПРИМЕР**

Июль заводитчигөн Юлия Исупова вит арёса Виктория нылыскөд локтөмаось машинаён гортас Көччойягысь. Ухта шоссе кузя мунігөн казялөмаось туйдорса пуяс костысь би. Көччойяг бердын иныс зэв кос, медшөрыс тані - пөжөма вөр, көні быдмө нитш. Биыс вермис өдйö кутчысьны пуясö.

Кусöдісны повтöг би



Биыс мунöма нин нитш кузя разі-пели, но Юлия нылыскöд абу кольмаось öзйöмсö кусöдтöг. Найö петöмаось машинаысь да кызд вермөмаось кусöдчöмаось. Вит арёса Вика став вынсьыс отсасьöма, бутыльысь киськалөма бисö ваөн. Юлия серти, би кусöдны найö босьтчöмаось мөвпавтöг. Машинаын вөлөма зыр, ваөн киськалөм кындзи бисö тыртöмаось муөн. Öзйöмсö өдйö кусöдöмаось.

Буретш тайö вöчөмтор понда öзйöмыс эз паськав водзö, вöрыс ыджыда эз öзы. Вөр-ва радейтöмысь, би кусöдны уськöдчöмысь Исуповъяслөн семьялы Россияса МЧС-лөн Коми Республикаын управлениеён веськöддысь Александр Князев сетіс налы аттöалана гижöд. Повтöм Викториялы козыналісны небыд чача, а нывка ассяныс козыналіс Александр Князевлы «Маша и медведь» мультфильмысь серпаса кружка (серпассö ачыс вöчöма).

- Тайö вöчөмторйыс - бур пример мукöдлы. Аттöо мамыслы, когі колана ногөн быдтö-велөдö нывсö, - тöдчöдіс Александр Князев.

Юлия уджалö детсадйын, геройясөн асьсö оз лыддыны - тадз пö быдөн вöчис на местаын.

Юлиялы да Викалы нуöдісны небыджд экскурсия Россияса МЧС-лөн Коми управлениеён, тöдмöдісны «Безопасность глазами детей» республикаса конкурсö воём челядь уджөн. Локтан воё корисны Викаос тшöтш пырöдчыны челядьлөн конкурсъясö.

Россияса МЧС-лөн Коми Республикаса управлениеён юöр серти



**Мый вöчны пöжар дырйи?
Колана индöдьяс - 15 лист бокын.**



ШӨПКӨДЧЫШТАМ

Лоны шудаөн быдөн көсйө, но мукөддырйи оз ставыс ладмы мян олөмын. Быдлунья төждомогысь мудзан, окота ставсыс дзедсынынышйыны. Кыдзи лоны шуда мортөн? Индөм вөзйөмъясыс, гашкө, вежыштасы олөмтө бурланьө, петкөдласны сылысь уна рөма мичсө.



Быд лун вод да чеччы өти кадө. сөй кад серти жө.

Узь көкъямыс час либө неуна унджык.

Водөм водзад петав ывлаө да дас вит минут чөж ов сөстөм сынөдас.

Быд лун ю литраөн-джыниөн прөстөй ва.

Водігад позьө стөкан шомйөв юны, видзыштны көдзыд ваын коктө.

Өтуввез (интернет) вылө быд лун вичмөд сөмын өти час.

Котрав асивнас, спортыд сетө вын. Ывлаысь пыран да вөч зарядка. Позьө быд лун 15 минут чөж бергөдлыны обруч. Ёна бура кылан асьтө йога бөрын.

Пыр нюмъяв, весиг сэк, кор сьөлөм вылад зэв сьөкыд.

Быд лун идрав ассыд жыртө да шыбит став ковтөмторсө.

Уна лыддысь, быд лун төдмав мыйкө выльтор. Шойччигад кывзы классика шылад.

Быд лун көть өти час вичмөд матысса йөзыдлы, юась налысь, кыдзи-мый олөны, гашкө, кутшөмкө мытшөд колө отсавны венны.

Сёрнит мичаа да матькытөг.

Быд лун вөч кутшөмкө бур удж.

Радейт асьтө. Зиль лоны мичаөн, этшаджык косметикаөн вөдитчы.

Велөд кажитчана кывбуръяс.

Ветлөдды веськөдчөмөн, а эн кок улад видзөдөмөн.

Видлы өти вежон чөж овны яйтөг, гашкө, кажитчас.

Быдлунья вермөмтө пасьяв торъя тетрадьө.

Эн видз прөста сідз сьөмтө.

Мөвпав сөмын бур ногөн,
и ставыс тэнад артмас.



КОЛАНА УДЖ


Емдін районса томулов котыртлісны «От гөралөн гуся-торъяс» экспедиция, кытчө пырөдчис муниципалитетса дас кум грезд. Семуковын том йөз дорйисны ассыныс проектъяснысө. Найөс вөлі сиөма районуын туризм паськалөмлы. Кывзисны ныв-зонмөс сикт-грездса олысьяс да администрацияын уджалысьяс.

От гөралөн

Вит лун чөж Микуньысь, Айкатылаысь, Кожмудорысь, Семуковысь да Туискерөсысь ныв-зон кытшлалісны От гөраті, веськавлісны 13 грездө. Медшөр могыс - юасыны олөма войтырлысь, мыйон тайө либө мөд грезд торъялө мукөдысь, мыйын сылөн аслыспөлөслуныс, чукөртны-гижны вөвлөмторъяс. Грездсянь грездө том йөз ветлісны подөн.

Дерт, быд грездын ныв-зонмөс вочаалісны эз өткодя. Медся вөсьса сьөлөмаөсь вөлөмаөсь Га-жакерөсса олысьяс. Водзынджык тайө грездыс шусьылөма Попкерөсөн, өд медводдзаөн татчө овмөдчылөма вичкоын зільысь морт. Талунъя лунө грездас олө дас вит морт. Весиг өні овмөдчөмин шөрын позьө паныдавны йөръясын сувтөдөм крестъяс.

Кырс грездын олысьяс томуловкөд өна абу сөрнитөмаөсь. Öнیا кадө грездас олө сөмын сизим морт. Водзті сэні вөлөма ыджыд мельнича, быдтывлөмаөсь сү да чукөртлөмаөсь ма. Совет кадө Кырс грездын От гөра вылын медводдзаөн кыпавлөма электростанция. Талунъя лунө сэтчөс олысьяс олөны вөр-валөн озырлунөн. Öти морт видзө кро-



От гөра өтувтө дас кум грезд. Найө меститчөмаөсь Эжва ю бокын да быттьө торъялөны районса мукөд овмөдчөминъясысь. Юрсиктөдз веськыда позьө воөдчыны сөмын төвнас. Мукөд кадө - Сыктывдін район пыр. От гөра районас лыддысьсө комяслөн инөн, унаөн сөмын тані сөрнитөны да мөвпалөны комиөн.



ликъясөс да дзодзөгъясөс. Грездыслөн медыджыд озырлуныс - киссьом вичко, коз да 86 арөса аньлөн теплича, көні эм быд-сикас быдмөгыс.

Сюлатуй грездын том йөз став окотитыссьө нулісны экскурсиян

петөм Павел Яруков сувтөдөма крестсө.

Эжолты грезд нималө ыджыд-сыыс-ыджыд изйөн. Талунөдз на изсө некод перыны оз вермы. Сэтчөс олысыяс чайтөны, сы вылын пө татчө воөма Вежа Перым

дотворец нима вичко.

Лыаты грездысь петавлөмаөсь нималана коми гижысыяс: Елена Козлова да Николай Щукин. Таын сылөн и аслыспөлөслуныс.

История боксянь уна шензёданатор том йөзлы сюрис Иппа,

гусяторъяс

вежа Кирик да Иулита ва дорө. Нэмъяс чөж сэтчөс олысыяс аттьбалөны ассыныс вежаяссьө. Коркө важөн нин, предание серти, грезд вылас кутөма киссыны изъя зэр. Вежа ваыд дорйөма олысыяссьө, дзебөма неминуचाыс. Сөвет кадө вежа крестыс вөлөм усьөма. А кольөм вося июль 28 лунө, буретш вежа Кирик да Иулита казтылан лунө, Отыыс

Степан. Изйыс ыджыд айсберг кодь, выліас сөмын ичөт пайыс тыдалө. Из вылын позь пукалыштны да бурдөдчыны нывбаба висьомъясыс.

Семуковсянь километра муна да веськалан чудьяслөн шойнаө. Предание серти, чудьыд татшөм ногөн видзөма асьсө выль эскөмысь. Грездас талун выльыс лөсьөдөны 19 нэмся Николай Чу-

Назар, Давпи, Заречье, Кожмудор да мукөд грездысь. Тайө корсьөм-аддзөмторъясыс отсаласны районөн веськөдлысыяслы лөсьөдны да дасьтыны выль туристической туйяс.

А водзмөстчысь томуловлы тайө колана уджыс абу весьшөрө: бергөдісны та ыджта удж, төдмалісны уна выльтор ас район да сэтчөс йөз йылысь.



Материалсө гасьтөма Finnougr.ru сайт серти



Иван БЕЛЫХ



Бурёвикён ЭГ И ЛО

Сійо гожомнас ми, Ивадорса куим зонка, Петрö Вань Коль, Милö Вальö да ме, Сивер Илля Вань, шуим эновтны школа да мунны велöдчыны бурöвикö Ухтаса горно-нефтяной техникумö. Коді тöдас, коді сэки тойліс та выlö миянöс, öд куимнанным быдмим эг ёна озыр семьяын. Ичöтдырсянь быдöнлы сюрліс быдсяма уджыд. А бокын велöдчигад нö коді миянлы кутас отсавны, верстöяс кö и сідзи быд көпейка гортын лыдöны. Сöмын стипендия выlö öдвакö удайтчас бокын велöдчыны. Тшыгъялігад кутшöм нин тöдöмлун юрад пырас.

А, гашкö, и терпеннöным бырис быд лун Пальса школаö пöшти нель километр туй талывны. Сэк жö дас класс дінад миян дырйи на содтісны дас öтиöдöс. А коми челядылы сідзи нин ковмис содтöд быдса во нолевой классö ветлöдлыны. Сідзкö нö, шöр школа помалöм могысь ковмас дас кык во? Абуö вывтіджык? Со и эз ло терпеннöбыд. Сэки жö газет-радиоын пыр дугдывтöг сёрни муніс Коми муысь унджык мупытшкöсса озырлунъяс перйöм йылысь. Шахтаясын зільысьяс да мусир перйысьяс лоисны миянлы аслыссикас геройсөн. Окота вöлі на моз жö зільны-уджавны. А та

могысь колö на велöдчыны.

Гортын кутысьыд менö ёнасö некод эз вöв. Мам-батöй эз вöвны паныдöсь. Кыкнан ыджыд вокöй сійö кадö буретш армияын вöліны. Найö, колöкö, эз и лэдзны татшöм водзтö бокö мунны, öд гортын вöліны на меысь ичöтджык чоя-вока. А бать-мам колхозад да бöрынджык совхозад уджалігөн эз нин сэтшöм уна



сьöм најöвитлыны. Эг жö куж сэки мöвпыштыны, кыдзи найö кутасны и меным тшöтш отсавны. Тыдалö, юрын төв на гуляйтис. Да öд и томдырйиыд веқджык нинöмысь он пов. Ставыс сэки веськодь.

И со ми, куим зон, Ухтаынöсь нин. Ёна и воис сійö кадö сьöлöм выlö тайö карыс. Сыктывкарысь кöть ичöтджык, но мичаджык. Уна аслыспöлöс архитектураа мича

керкаяс сетлісны кыпыдлун карыслы. Сэки и меным висьталісны, мый тані ас кадö некутшöм мыжтöг пукавлісны странаса нималана архитекторъяс, кодъяс зілісны ас йывсьыныс карса олысьяслөн сьöлöмъясын кольны бурпас. Онöдз колины паметьö пионерьяслөн да школьникъяслөн парк, сэні нималана роч поэт Пушкинлөн бюстыс, Пионер гöра

вылын телевышка, наука да культура двореч.

А ми, куим зонка, карса уличаясті гуляйтöмысь öтдор вочасөн сдایتалім экзаменьяс. Пальса школаын ме вöлі бура велöдчысьяс лыдын да тані эг жö ачымöс янöд. Став экзаменсö бура сдایتі. Весиг конкурсысь некымын баллөн унджык чукöрмис. Да таысь öтдор нöшта отсалі мукöдлы решайтны задачяс. Петрö Вань Коль бура жö сдایتіс экзаменьяссö да прöйдитіс конкурс.

А Милö Вальöбыды эзджык мойви. Сылөн эз тырмы баллыс. А миянлы Колькöд кыкнаннымылы вöлі эв нимкодь. Регыд лоам студентьясөн. Кутам овны тайö мича карас да велöдчыны перйыны мусир. А сэсса лоам бурöвикьясөн.

Но со медбöрын ми петкöдчылім бурдöдысьяслы. Нинöм сэтшöм-татшöмсö найö менсьым эз адзыны. Но мöд луннас нин



менö ас дорас корліс техникумса директор Тихонов.

- Дона зонмой, - шуис сійö меным, - тэнад синмыд слаб вөлöма да бурöвикнад öдвакö верман уджавнытö. А татшöм оценокнад тэнö быдлаö босытасны.

Сэтшöм заведнö лоис сылөн тайö кывъяс бöрас. Мыйла нö водзджык бурдöдысьяс ас динас эз корлыны. А мöдлаын кöнкö велöдчыны ме эг кöсйы. Сідзи сэсся куим зонка мöдöдчим гортлань. Княжпөгостöдз муним поездöн, а сэсянь Дзоля Слудаöдз - автобусöн. Миянлы Милö Вальöкöд сёлöм вылын вöлі зэв шог. Сöмын öтнас Петрö Вань Коль нимкодясис. Сійö лоис студентöн.

Бать сöмын шмонитігмоз нюмуніс ме вылö видзöдлігмоз:

- Но мый, велöдчыссис бокад?

А сэсся чöв олыштис да содтис:

- Велöдчы водзö да помав школатö. Верстыöджыкөн лоан да кадыс петкöдлас, мый сэсся водзö вöчны.

Сідзи и бөр пыри школаö. Аслам классалы, дерт, эг ёна висытась, кызди ветлі пырны велöдчыны Ухтаса техникумад. Кызкö яндзим вöлі сыысь, мый эз артымы сэки меысь студентыс.

Но и Петрö Вань Кольлы эз жö удайтчы помавны тайö техникумтö. Во сайö кымын велöдчис, а сэсся ковмис бөр Ивадорö локны. Гортсяныс отсöгыс эз кут вичмыны, öд сыысь öтдор быдысны куим ичöтджык вок. А батыс тайö кадас пöшти некутшöм мыжтöг веськаліс дзескыдінö. Со и лоис Петрö Вань Коль сійö кадö совхозса уджалысьöн. Гöтрасис. Челядь чужисны. Паныдасьялам вöлі сыкöд гожöмъянас Эжва дорын вуграсигөн. Став олöмсö казътылам, тшöтш и Ухтаад ветлöмсö. А талун сійö абу нин ловъя. Кості ковмис энөвтны таладор югыдсö. Сьökыд удж вöснаыс сёлöмыс сувтöма. А бур ёртөн вöлі. Ёна ладмывлім сыкöд.

Но öтнаслөн Милö Вальöлөн уджыс медбöрын и йитчис мусир перйöмкöд. Батыс сылөн водз кувліс, да мам сертыс Милö Вальöөн и кутісны ыдждöдлыны. Ветліс армияö. Сэні петкöдліс асьсö бур спортсменөн. Блі Асыввывсыань весиг вольвліс сійö кадö Москваö, лызьөн котралысьяслөн ордйысьöмъяс вылö. А сэсся нэмсö уджаліс кöнкö Вой-

вылын, мусир перьянінын. Пенсия вылас петöм бöрын семьяыскöд бергöдчис гортас. Чужаньныд тай век жö кыскö морттö. Некымын во сайын весиг гижлі сы йылысь. Тöдмалі, мый сы вылö öти гожся рытö дзик горт дорас ош уськöдчылöма, керкаыс вөр дорсяныс неылын вöлі. Но сійö удитöма дзевсьыны Михайлö Ивановичсыд. Быдсямаыскöд тай мортдылы лö паныдасьялыны.

А ме ачым школа бöрын помалі Коми пединститут да уна во чöж уджалі газетын. Кытшовтім ставнас Коми мутö. Уна сиктгрездö волі. А öтчыд Вуктылса биару перйысьяскöд паныдасьлі. На пöвстын öти мужичöй зэв тöдсаөн петкöдчис меным.

- Илля, тайö тэ али мый! - горöдчис медбöрын менам.

- Ваньö, тэ тай вөлöмыд! - нюмгөвтöмөн воча гораа шуис сійö. Коркö ми сыкöд öтлаын Ухтаса горно-нефтянöй техникумад

вöлі пырам. Сэні и тöдмасьялím. И со сійö нэм чöжыс нин бурöвöйяс вылын.

- Быдсямаыс вöлі тайö кадас, - висытасис сійö. - Тöv котъ гожöм, пыр бурöвöйяс дінын. Уджыс абу кокни. Оз быдөн тані вермы уджавны. Со и унджык миянлы мынтöны. Но öд ачым бөрйи тайö уджсö. И öні нинöмысь ог каитчы.

А ме завидьпырысь видзöді менам ёрт вылö, кодкöд томдырйи на тöдмасьялím. Сійö эз повзы некутшöм сьökыдунысь. Сылөн артмис олöмыс. Котъ и абу кокни тайö уджыс, но кыскö сійö ас динас татшöм повтöм да зиль йöзсö, кодъяс сетöны шоныд да би мукöдьяслы.

- Мед жö ставыс бур вöлі тэнад олöмын, - сии медбöрын сылы.

А ме ачым аслым мöд туй бөрйи. Котъ и эг ло бурöвикөн, но ог жö каитчы аслам олöмысь.



Көрткерөс районса Сюзяыб грездысь Антонина Ветошкина радейтö Коми мулысь помтöм-дортöм мичлунсö. Аслас снимокъясын петкөдлö чужан сикт, сöстөм ю, мича дзоридзьяс - став мичсö, мый ми быдөн вермам аддзыны, но, гашкö, ог казялöй быдлунъя удж-тöжд вöчигөн.

«Гожся мойдын» лист бок регыд вежас «Арся мойдын». Виччысям и тэсянь, дона лыддысьысь, вөр-ва петкөдлан мича снимокъяс.


Гожся мойдын

Александра
МИШАРИНА

Тожöм

Бара мича öшкамöшка
Кусыньтчöма мегыр моз.
Бара тыдалöны мöсьяс
Улич помын, көни лос.

Бара уялöны челядь,
Гажөн тырöма ю дор.
Бара вашкөдö тэн пеляд
Мыйкö бурöс кызд пу кор.



ВОДЗМӨСТЧӨМ

Кулөмдін районса Зимстан посёлокын коми кыв-историятö пыдди пунктöны. А өд роч посёлокад талун та-шөмторйыд шензьөданаөн чытсьö. И медыджыд пай-ыс таын татчöс «Важдыр» история да краеведение музейын уджалысь Нина Михайловна Сурниналөн.

Уна во ань уджалöма детсадейн веськөдлысьөн, энвотм челядь керкаын, воспитательён, библиотекарён. И быд уджын сылөн медшөр могөн вөлöма ышöдны роч челядьöс радейтны коми кыв, пыдди пунктны да тöдны ас йöзлысь культура-традиция. Нина Михайловна пыр көсйöма восьтны коми керка пельöс, медым эськö посёлоксяс вермисны волены татчö шойччыштны, казтыштны важсö, видзöдлыны водза оласног вылö, сёлöмсянь сёрнитыштны öта-мөдкөд.

И анялөн мөвпыс збыльмөма. Посёлокса администрацияён веськөдлысь Владимир Лодыгинкөд öти кывйö воём бöрын вичко местаын восьтисны музей. А меститчылöма важ вичкоыд талунъя администрация стрöйбаын - кык судтаа важник нин керкаын. Улиас. Вöвлөм вичколысь жыръяссö идралөм-краситөм бöрын куим жырйын и воссьöма посёлокса музейыд.

Пыран да, öнөдз на кылö кадилөлөн дукус. Музейлы өна отсаліс администрация, важ көлуйсö унджыксö лои вайöма орчча Фроловск грездысь Авдей Самаринлөн керкаысь. Сэні некод нин оз ов, а мужичойыс вөлöма зэв төлка мортөн, кыйсысьён. Та

НИНА СУРНИНА:**МЕДЫДЖЫД
КӨСЙӨМӨЙ ЗБЫЛЬМИС**

вöсна уна эмбур сылөн кольöма. Мыйсюрö вайисны посёлокса олысьяс, орчча грездасяс. Музейыс абу ыджыд, но татысь позьö аддзыны уна шензьөданатор, мыйён талунъя йöз оз нин вöдитчыны.

Нина Сурнина - творческой морт. Прöста пукавны оз вермы, пыр мыйкö мөвпалö-вөчö. Сылөн водзмөстчөмөн музейён öдзöсыс оз и пöдлассы. Велөдчан кадö татчö тшөкыда волöны детсадей ветлысьяс, школаын велөдчысьяс, мунö быдсикас аддзысьлөмыс. Челядлы торйөн нин нимкод пыравлыны музейö да ас синмөн аддзыны кутшөмкө важся көлуй, видлыны киён, тöдмавны, мый сийөн вөчлөмаöсь. Да и краеведение урокыд тані интересной-джыка классын дорысь кольö.



Музейса уджалысьяс бокö оз кольчыны и посёлокса олөм-вылөмысь. Быд гаж кежлö мыйкö дасьтöны-лөсьöдöны.

- Музейын менам и олөмыс, - шуö Нина Сурнина. - Öд медыджыд көсйөмөй збыльмис. Ме пыр радейтлі коми кыв, сёрниті, коть эськö посёлокын унаөн рочасьöны. Пыр эски, мый вöча коланатор, көсйи восьтны коми пельöс, окотиті важ коми олөм да йöз йывсьыс туявны. Чукöрті кысян сержяс, ковтөм нин важ көлуй уналысь коралі - и со коми пельöсыд эм.

Музей öтувтö ичöt да верстьö войтырöс, весиг олөма йöзöс. Окота сини, медым музейын пыр содіс эмбурыс, жырйыс да татчö пыравлысьлөн лыдыс, медым водзö на бурланьö вежсис посёлокса музейлөн чужөмбаныс.

Кристина СЕРГЕЕВА



ВӨЛӨМКӨ

*Збыльысь, мыйон найо торъялөны туша-мыгөр кындзи?
Вөлөмкө, нывъясыд да зонъясыд быд лоомторйын асьнысө
дзик мөд ногон пуктөны.*

Мыйон нывъяс торъялөны зонъясысь?

★ Нылыд некор оз гыжъяв баябөжсө - оз косьи причёскасө лёкмөдны.

★ Юрсө мыськөм бөрын ныв гартө юрсө ки чышкөдөн (дженъид юрсиа коть кузь). Зонмыд татшөмтортө некор оз вөч.

★ Нылыдөн гөлөсыс ёсьджык том морт серти.

★ Нылыд вынаджык зонмысь.

★ Кор нылыд мыйкө шыбитө, кисө нюжөдө бөрлань, зонмыд - боклань.

★ Чолөмасигөн нылыд некор кисө оз нюжөд. Зонъяс - мөдарө.

★ Нывтө кө горөдан, сөмын юрсө бергөдас. Зонмыд став тушанас бергөдчө.

★ Нылыд полө став гут-гагсьыс.

★ Шуам, колө петкөддыны ки. Нылыд нюжөдас ки пыдөснас увлань (тыдалө, медым петкөддыны мича маникюрсө), а зонмыд - вывлань.

★ Нывъяс новлөны аскөдныс сумка, кытчө тэчөны став коланасө и ковтөмсө.

★ Видзөдны кө, кызди кайөны гөра вылө ныв да зон, пырысьтөм-пыр и казялан торъялөмсө. Нылыд бокөн кайө, а зонмыд кокъяссө паськөдөмөн.

★ Колө кө видзөддыны кок пыдөс вылө, нылыд бөрлань бергөдчас да коксө лэптыштас, а зонмыд прөста коксө лэптас.

★ Пөсь лыаті либө изъяс вывті нылыд кок чунь йылас сувтөмөн мунө, а зонмыд коклябөр вылас сувталө.

★ Нюжмасигөн зонмыд кияссө вывлань лэптө либө боклань нюжөдө. А нылыд мөдарө - гырдаза дортіыс найөс кусыньтө да бокъясас топөдө.

★ Нылыд пельсө сиптө чуњьяснас, а зонмыд - кинас.

★ Пасьгасигөн нылыд медводз пасьталас дөрөм-блужка, а сэсья гач. Зонмыд дзик мөдарө вөчас.

★ Перчатки-кепысьтө нылыд пасьталө ывлаө петтөдз, зонмыд оз тадзи вөч.

**Со тай мыйта торъялөм сюрис
ныв да зон костын.**



ТӨД ВYЛӨ

Пөжар дырйи йөз шөйөвошоны и тшөкыда оз төдны, мый вөчны - тадз воштöны колана кад, медым мездысьны биысь.

Мый вөчны пөжар дырйи?

Керкаын öзйөм дырйи колö:

- висътавны та йылысь «01» телефон пыр, мобильнойсянь - «112»;
- петкөдны ывлаө челядöс, олома йөзöс и аслыд мунны öзъянинысь;
- висътавны неминуа йылысь орчөн олысьяслы;
- öзйөмыс кө абу ыджыд да эскан ас вынө, видлы кусöдны би: вөдитчы ваон, мыськасян порошокон, топыд дөраөн. Бур, эм кө огнетушитель;
- электрической токысь виччысьом могысь кусöд электроэнергия;
- öзйигон оз ков восьтны öшинь да öдзöс: сынöдыс унджык пырас;
- керка пыткад кө ёна тшына, дзик пыр пет ывлаө, тупкы ас бөрся öдзöс;
- вочаав би кусöдысьясöс.

Мый оз позь вөчны пөжар дырйи:

- öтнадлы кусöдчыны би кусöдысьясöс кортөг (эн кө вермы кусöдны бисö некымын секундаон, сийö öдйö водзö паськалас;
- эн пышйы биысь тшына коридорöд, содйöд (тшынысь верман воштгыны садьтö, а пöсь сынöдыс сотас пытшкөстö);
- оз вөзйыны лэчыны прöстынь да гез отсөгон ва трубаöд, стоякöд;
- оз ков чечыштны öшиньöд (4-өд судтасынь и вылө верман кувны);
- эн пыр лифтö, öд сийö вермас сувтны быд здукö, да веськалан капканö.



Колана документъяс да сьом видз öти местаын, медым став семьяыд төдiс, а пөжар дырйи позис öдйö босьтны найöс да петны ывлаө.

Öзйөм аддзөм бөрын колö дзик пыр юөртны пөжарнойяслы. Абу кө телефоныд, висътав орчөн олысьяслы. Кут төд вылын: кымын öдйөджык коран отсөг, сымын öдйөджык сийö воас.

«Коми йөзöдчан керка»
Коми Республикаса
автономной учреждение.

Веськөдлысь

удж вөчысь

Е.В.ПЛЕТЦЕР

Гл.редактор пыдди

Е.А.МИКУШЕВА

◆◆◆

Газет панысь:

Печать да юөр сетан Коми

Республикаса агентство.

Регистриуйтöма

2007 вося ноябрь 28 лунö

йöзлы юөр сетөм да

культураса озырлун видзөм

кузя оланпасьяс

збыльмөдөм бөрся

видзöдысь федеральной

службалон Беломорской

управлениеын.

Регистриуйтан пас:

ПИ №ФС 3-0686.

Социальной төдчанлуна

гижöдьясö йөзöдöма «Коми

йөзöдчан керка» автономной

учреждениеы печать да юөр

сетан КР-са агентствон

вичмөдөм сьом вылө.

◆◆◆

Редакциялөн адрес:

167982, Сыктывкар,

К.Маркс улица,

229-өд керка,

401-402 кабинетъяс.

Тел. 24-12-22, 24-36-49.

E-mail: Yologa@mail.ru

◆◆◆

Редакцияын

уджалысьяс:

том йөзлөн мытшöдысь

юкөнөн веськөдлысь –

Надежда Пунегова;

письмö юкөнөн

веськөдлысь –

Екатерина Микушева.

◆◆◆

Медводза лист бокас

снимокыс

Евгений

Козловлөн.

◆◆◆

Авторъяслөн мөвпяс оз

пыр лөсявны редакциялөн

видзöдласкөд.

◆◆◆

Тираж – 434

Гижöдчан индекс – 52099.

«Йöлöга» газет петö

1991-өд восянь

вежоннас öтчид, комион.

◆◆◆

Печатьö кырымалан кад:

график серти – август

тöпысьлөн 20-өд лунö

16 часын; кырымалöма

печатьö 16 часын.

Газет печатайтöма

«Коми республиканской

типография» ООО-ын дась

оригинал-макетъясысь.

167610, Сыктывкар,

В.Савин улица, 81

Заказ №



Ас пуом компотын эм витамин, чөскыдджык лавкаса сокысь да газируйтөм юанторъясысь. Со и вөзъям дасьтыны некымын сикас компот.



Луали компот

Яблөгысь

Ковмас: 1 литр ва, 200 г сахар, 4-5 яблөг.

Яблөгсö мыськыны, весавны, вундавны торъяс вылö. Пуктыны кöструльö ва да пузёдны. Сэсся содтыны сахар да пуны некымын минут, медым сылас. Сироп пиö содтыны яблөг торъяс да нöшта 2-3 минут пуны. Кыскавны яблөгсö да пуктыны дась банкаясö. Сиропсö выльысь пузёдны да кысьтны банкаясö. Банкасö тупкыны көрт вевтөн.



Сьöd сэтöрысь

Ковмас: 600 г сахар, 1 кг сэтöр.

Кысьмöм тусьяссö бура весавны, мыськавны, а сэсся косьтыны. Сэсся сэтöрсö пуктыны кос стерилизуйтöм банкаясö, медым тусьясыс лоины банкайслөн нельöд пайыс - сэки компотыс артмö чөскыдөн, юмолөн.

Кысьтны банкаясö пуом ва да сулöдны 5-10 минут чöж. Сэсся васö бөр кысьтны кöструльö да пузёдны сахар содтöмөн. Пузём бöрын васö бөр кысьтны банкаясö.

Дзик пыр банкаяссö тупкыны, 1 час видзны увлань юрөн да шоньдторийөн вевттöмөн. Сэсся видзны ыркыдны.

Льöмйысь

Челядылы торйөн нин кажитчас льöмйысь компот, öд сийö ёнмöдö дзоньвидзалунтö, да и уна сикас висьöмысь бур.

Медводз чукöртам кысьмöм тусьяссö. Сэсся бура весалам, пожъялам ва пиын. Та бöрын пуктам пож вылö, медым ковтöм ваыс виялас. 2-3 минут видзны пöсь ваын. Та бöрын льöмсö пуктыны кöструльö.

Медводз колö дасьтыны юмов сироп. **Та вылö ковмас:** 1,2 литр ва вылö - 0,8-1 кг льöм да 300 г сахар. Сиропсö колö пузёдны, а сэсся кысьтны кöструльö пуктöм льöм дорö. Топыда тупкыны вевтөн да сулöдны 5 час гөгөр.

Та кадö колö дасьтыны банкаяс, бура найöс мыськавны, стерилизуйтны пöсь руөн. Индöм кад кольöм бöрын дась банкаясö пуктавны льöм тусьяс, а коляс сиропсö кöструльын пузёдны ыджыд би вылын. Пузём сиропсö кысь-

